



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კახეთელიძე მიხეილ (ვახტანგ) კომმას ძე

კახეთელიძე მიხეილ (ვახტანგ) კომმას ძე [4(17). XII. 1911, სოფ. სამთისი, ახლანდ. ონის მუნიციპალიტეტი, – 27. VII. 1994, თბილისი], ეკონომისტი. ეკონ. მეცნ. დოქტორი (1965), პროფესორი (1967), საქართვე. მეცნ. დამს. მოღვაწე (1983). დაამთავრა თსუ-ის ეკონ. ფაკულტი (1936). 1935–40 კითხულობდა პოლიტ. ეკონომიის კურსს თბილ. სხვადასხვა ტექნიკუმში; 1942–54 იყო პარტიულ სამუშაოზე. 1954–80 მუშაობდა საქართვე. მეცნ. აკადემიის ეკონ. და სამართლის ინ-ტში უფრ. მეცნიერ თანამშრომლად, სხვადასხვა განცხადების გამგედ. აგრეთვე წლების განმავლობაში ეწეოდა პედ. მოღვაწეობას საქართვე. სახელმწ. თეატრალურ ინ-ტში, თბილ. სამხატვრო აკადემიაში, საქართვე. სას.-სამ. ინ-ტში, თსუ-სა და სპი-ში. მონაწილეობდა II მსოფლიო ომში (1939–45). მიღებული აქვს საბრძოლო ჯილდოები.

კ. ავტორია მრავალი სამეცნ. ნაშრომისა (მ. შ. მონოგრაფიებისა და სახელმძღვანელოების), რ-ებიც ეძღვნება პოლიტ. ეკონომიის, ეკონ. მოძღვრებათა ისტორიის, აგრ. ურთიერთობათა, სახალხო მეურნ. ისტორიის, სტატისტიკისა და აღრიცხვის პრობლემებს.

თხზ.: მიწის რენტის ბურჟუაზიული თეორიების კრიტიკა, თბ., 1958; საქართველოს სსრ მეცხოველეობის ეკონომიკის საკითხები, ნაწ. 1–3, თბ., 1962–73; საქართველოს სსრ სოფლის მეურნეობა და მისი განვითარების პერსპექტივები, თბ., 1972 (თანაავტ.).
